

Jelajah TECHPARK UniMAP

Para penyelidik Universiti Malaysia Perlis (UniMAP) sewajarnya memanfaatkan sepenuhnya kemudahan peralatan yang terdapat di makmal-makmal secara optimum bagi menghasilkan produk yang berimpak tinggi. Pengerusi Majlis Profesor UniMAP, Prof. Dr. Ali Yeon Md Shakaff berkata, walaupun memiliki peralatan makmal yang canggih, namun, ia masih belum digunakan sepenuhnya oleh penyelidik UniMAP. Atas kesedaran itu, Program Jelajah Techpark UniMAP dianjurkan bagi membawa Profesor-profesor untuk melihat sendiri kemudahan yang terdapat di Pusat Kecemerlangan UniMAP. Dalam lawatan selama sehari itu,

mereka telah dapat mengenalpasti secara lebih mendalam aktiviti-aktiviti yang dijalankan oleh setiap Pusat Kecemerlangan terlibat. Seramai 10 Profesor dari lapan pusat tanggungjawab mengikuti lawatan ke lima Pusat Kecemerlangan UniMAP, antaranya Advanced Sensor Technology (CEASTech), Unmanned Aerial Systems (UAS), Advanced Communication Engineering (ACE), Institut of Nano Electronic Engineering (INEE) dan Advanced Multidisciplinary MEMS-Based Integrated Electronics NCER Centre Of Excellence (AMBIENCE). Turut serta dalam lawatan itu, Timbalan Naib Canselor Akademik dan Antarabangsa UniMAP, Prof. Dato' Dr. Zul Azhar Zahid Jamal.

